

Zu gedenken Daß Michael Mittenenßwey Einen Lehr Jungen
Georg Werner von Endisch vor offener Ladten auff vnd ahngenommen
hat uff 2 Jahr Langk, vndt Zum gedechtnuß anhero vorzeichnet worden,
vnd giebedt ihm Zum Lehergeldt 10 fl. vnde funff guldten alsobaldt
seinem Lehr Meister geben. Vnde die hinderstelligen 5 fl. wenn Er
außgelernet hat Geschen den 31. Januari anno 160j.

Zu gedenken, Daß hans Stolbergk der eldere Zu Gossinßs schlosser
doselbsten das er Seinen Lehr Jungen peter heylman Zu Görnizs vor
offener Laden auch vor einem gansen handtwergk Seyne Dreyhe Lehr
Jar ausgestanden, auch gestanden, das er sich ehrlich vnde wol vorhalten
vnd ist demnach Solches In diz buch vorzeichnet worden Geschen
Donnerstag In der pfingst wochen anno 160j.

Zu gedenken, Daß ein erbar handtwergk der schmide In der stadt
vnde vffm Lande michel wunderlich den eyshandel anzufahen vnde ge-
brauchen wol wie er den noch ein schreybenn vnd dagegen Sein vater
melchior wunderlich Zugesagt Wehln sie Inm vor 100 fl. vorschreiben
sollenn Sie das ganzse Handtwergk schuldlos Zuhalten mit handt vnd
mundt angelobet vnde zugesaget. Geschen mittwochs nach dem heylligen
pfingst feyertage anno 160j.

Zu gedenken. Demnach peter Meußer Teziger Zeit schmidt zu
Maundorff In diser schmide Zunft vor 7 Jaren gewesen vnde biß
uff dise stunde weder Zinsquarthal geld nicht erlegt worden ist, der
meuser aber heute datto vor dem ganzen handtwergk vorkommen vnd
sich widerumb Inß handtwergk das man Inm wider aufnehmen sollen
Zum vleißigsten angehalten da denn auf sein bitten ihm diz widerfahren
vnde schuldner solches welches Sich auf 6 fl. weniger 2 Pf. aus jener
Zeit mit veyt Kraussen vorbürget dem handtwergke Zu erlegen als
nemlich 1 fl. 16 gr. vom datto in 14 Tagen daz Zu erlegen den
andern hinderstenden vber 1 fl. iij gr. 8 Pf. vff trium Regum auch
Zu erlegen welches er also angelobet vnd zugesaget. Geschen den
28 May 160j.

(als Nachtrag hiezu) Es hat auch Meußer zugesaget Seinen
burgen Veyt Kraussen Solcher burgschafft halben schadlos Zu halten.
Geschen vor einem Ganzen handtwergk den 28. May 160j.¹⁾

¹⁾ Mit 1611 bricht der Bericht ab, ob wegen der Pest? (S. S. 38).